



Inatsisartunut ilaasortaq Erik Jensen

**§ 37 naapertorlugu transfer pricing pillugu apeqqut 2022-25-mut akissut**

Brevdato: 27-01-2022  
Sagsnr. 2022 - 1895

§ 37 naapertorlugu apeqquteqarputit, taakkulu matumuuna akineqarput:

- 1. Aningaasarsianit akileraarutit pillugit inatsimmi transfer-pricing pillugu maleruagassat pillugit Naalakkersuisut nalilersuissallutik pilersaaruteqarpat?**
- 2. Taamaassimappat, Naalakkersuisut nalilersuinerup inerneru UPA2024 nallertinnagu, inatsisartut qinigaaffiup siuliani aalajangiinerat maliinnarlugu, agguanniartaat?**

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Apeqqutit ataatsikkut akineqassapput.

Siullermik erseqqissarneqassaaq, Inatsisartut transfer pricing pillugu nalilersuinermut siunnersuut 2018-imi (UPA2018/133), 2019-imiunngitsoq suliarinnimmata. Nalilersuineq 2019-imi ukiakkut ataatsimiinnermi agguanneqassasoq siunnersuutigineqaraluarpoq. Naggatagulli Naalakkersuisut 2021-mi upernaakkut ataatsimiinnermi nalilersuinermit saqqummiussinissamik peqquneqarnissaannut siunnersuut akuersissutigaaq.

Taamanikkut Naalakkersuisuusut inatsisissatut siunnersuutit aappassaaneerqarneranut akissuteqaatiminni 2021-mi nalilersuinermit naammassinninnissaq pisariusorujussuussasoq erseqqissaatigaat. Tamatumunnga pissutaavoq Inatsisartut tassani 2018-imi ukiakkut ataatsimiillutik transfer pricing pillugu inatsit sukannernerulersinniarlugit aningaasarsianit akileraarutit pillugit Inatsisartut inatsisaannut allannguutit atulersimmagit. Malittarisassat nutaat 1. januar 2019-imi atulersussaagaluarput. Nalinginnaasumik aqqissuussinerit ukiorpaaluit atuutereernerata kingorna aatsaat nalilersorneqartarnissat kaammattuutigineqartarpoq.

Nalilersuineq 6. april 2021-mi Inatsisartut qinersineq sioqqullugu naammassineqanngitsoorpoq. Siunnersuutit atulersinneqanngitsut, qinersinerup nalaani atorunnaartarnerat nalinginnaavoq aatsaalli Naalakkersuisut nutaat suliaq qaqqeqikkaangassuk ingerlaqqilertarlutik.

Qinersinerup nalaani malittarisassat OECD-p nunat assigiinngitsut akornanni pitsaassusermi piumasaqaataannut naapertuuttut nalilerneqarput.

Naalakkersuisut 6. april 2021-p kingorna qinigaasut nalilersuinermit suliaq pingaarnersiorsimangilaat. Naalakkersuisut malittarisassanik aamma aqqissuussanik maanna atuuttunik nalilersuinissamut suliaq pisariaqartoq ilisimavaat, taamaammallu transfer pricingimi malittarisassat nalilersorneqarnissaat akileraarusuisarneq pillugu aqqissuusseqqinnermut ilanngutissallugu pilersaaruteqarput.

Akilerartarnermik aqqissuuseqqinnermi inummut akileraarut  
aallaqqaatigineqassasoq kingornalu inuussutissarsiornermik akileraarusiisarneq  
ilanngunneqassasut naatsorsuutigineqarpoq.

Naalakkersuisut taamaalillutik inuussutissarsiornermi akileraarusiinnermut  
malittarisassanik suliaqarnerminni transfer pricingimik malittarisassat sammineqarnerat  
ilanngutissavaat. Taamaammat immikkut tamanna nalunaarusiarineqassanngilaq,  
suliarineqassarli.

Naalakkersuisut suliaq tamanna kingullermik § 37 naapertorlugu apeqquut 2022-1-imut  
akissuteqaammi sukumiinerusumik nassuiaateqarfigaat, taamaamallu akissuteqaat  
taanna akilerartarnermik aqqissuuseqqinnermik suliaqarnerup itinerusumik  
nassuiaatigineqarnera innersuussutigineqarpoq.

Inussiarnersumik inuulluaqqusillunga

  
Naaja H. Nathanielsen